

Na osnovu člana 12. Zakona o javnim preduzećima u Federaciji Bosne i Hercegovine („Službene novine Federacije BiH“ broj: 8/05, 81/08, 22/09, 109/12), člana 8. Zakona o ministarskim vladinim i drugim imenovanjima F BiH („Službene novine Federacije BiH“ br: 12/03, 34/03, 65/13), Statuta JP „RTV Bihać“ d.o.o. Bihać („Službeni Glasnik Općine Bihać“ broj: 8/10 i „Službeni glasnik Grada Bihaća“ broj: 10/15) Odluke Nadzornog odbora JP „RTV Bihać“ d.o.o. Bihać broj: 125-03/25, Uredbe o postupku prijema u radni odnos („Službeni glasnik Unsko - sanskog kantona“ broj 7/19) raspisuje se

JAVNI KONKURS

za izbor i imenovanje direktora JP «RTV Bihać» d.o.o. Bihać

Opis upražnjene pozicije:

Direktor:

- Predstavlja i zastupa Društvo prema trećim licima i odgovara za zakonitost rada i poslovanja Društva,
- Organizuje i vodi poslove Društva,
- Izvještava Nadzorni odbor, po njegovom zahtjevu,
- Vršiti provedbu Etičkog kodeksa i Statuta,
- Izrađuje i nadzire realizaciju planova poslovanja,
- Izrađuje i donosi provedbene propise (Uputstvo i Pravilnik) za postupak nabavki i provedbu Zakonom o javnim nabavkama Bosne i Hercegovine, te provodi odredbe propisa o nabavkama i po zaključenju ugovora o nabavci podnosi izvještaj Odboru za reviziju i Nadzornom odboru,
- Priprema prijedlog za raspodjelu dobiti,
- Nadzire zaposlenike u implementaciji važećih propisa i provedbenih propisa o nabavkama,
- Obezbeđuje distribuciju i implementaciju Etičkog kodeksa i postupanje svih odgovornih lica u skladu sa Etičkim kodeksom Društva, tako što protiv lica koja krše Kodeks provodi disciplinski postupak,
- Vršiti zapošljavanje i otpuštanje zaposlenika u skladu sa poslovnikom, odnosno, poslovnica i važećim zakonima, i u vezi s tim ima dužnosti i odgovornosti propisane članom 45. Zakona o javnim preduzećima,
- Zaključuje ugovore u ime Društva,
- Obavlja i druge poslove, utvrđene zakonom i Statutom, od značaja za nesmetano odvijanje organizacije rada i vođenja poslovanja Društva.

Direktor se imenuje na period 4 (četiri) godine, s mogućnošću ponovnog imenovanja.

Na javni konkurs se mogu javiti osobe koje ispunjavaj slijedeće uslove (opće i posebne):

A) Opće:

1. da je državljanin BiH (**dokaz: uvjerenje o državljanstvu**),
2. da je stariji od 18, a mlađi od 65 godina na dan imenovanja (**dokaz: izvod iz MKR**),

JP "RTV BIHAĆ" d.o.o. Bihać, Krupska bb, Bihać, Tel: 037/223-770, rtv.bi@bih.net.ba, www.radiobihac.com

3. da nije otpušten iz državne službe kao rezultat disciplinske mjere na bilo kom nivou u BiH, u periodu od tri godine prije objave javnog konkursa (**dokaz: ovjerena izjava**),
4. da se na njega ne odnosi član IX 1. Ustava BiH (**dokaz: ovjerena izjava**),
5. da nije osuđivan za krivično djelo ili privredni prestup, niti se protiv njega vodi krivični postupak (**dokaz: uvjerenje nadležne policijske uprave**),
6. da mu pravosnažnom presudom suda nije zabranjeno obavljanje aktivnosti za poziciju na koju aplicira (**dokaz: uvjerenje nadležnog suda**),
7. da nije izabrani zvaničnik, nosilac sudske ili izvršne funkcije ili savjetnik izabranim zvaničnicima i nosiocima izvršnih funkcija (**dokaz: ovjerena izjava**),
8. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine (**dokaz: ovjerena izjava**),
9. da nije direktor, član uprave, predsjednik ili član skupštine društva ili nadzornog odbora ili odbora za reviziju u drugom privrednom društvu (**dokaz: ovjerena izjava**),
10. da nije u sukobu interesa u ličnom ili profesionalnom odnosu s društvom u kom aplicira na poziciju direktora (**dokaz: ovjerena izjava**).

B) Posebne:

1. Visoka stručna sprema završen ekonomski, pravni ili drugi fakultet društvenog smjera (**dokaz: ovjerena kopija diplome**),
2. Najmanje 5 godina radnog iskustva u struci ili najmanje 3 godine na rukovodnim poslovima, (**dokaz: uvjerenje/potvrda o radnom iskustvu**).

Prilikom procjene menadžmentskih znanja i iskustava za izvršenje poslovnih i operativnih potreba društva, kao posebni uslov uzimaju se u obzir i sljedeći kriteriji:

1. Organizacijske sposobnosti i prilagodavanje timskom radu,
2. Sposobnost savjesnog i odgovornog obavljanja poslova, te nepristrasnog i odlučnog donošenja odluka,
3. Rezultati rada ostvareni tokom prethodnog radnog angažmana i preporuka poslodavca.

Kandidati koji se prijavljuju na javni konkurs za izbor i imenovanje direktora JP „RTV Bihać“ d.o.o. Bihać uz prijavu na javni konkurs dužni su priložiti:

- kraću biografiju,
- adresu i kontakt telefon,
- program razvoja Društva za period od četiri godine,
- svu potrebnu dokumentaciju (original ili ovjerene kopije) kojom kandidati dokazuju opće i posebne uslove navedene u ovom javnom konkursu.

Lični podaci o učesnicima u javnom konkursu su tajni i mogu se prikupljati i obrađivati u skladu sa Zakonom o zaštiti ličnih podataka BiH («Službeni glasnik BiH», broj: 49/06, 76/11 i 89/11).

Odluka o izboru i imenovanju direktora se objavljuje u Službenim novinama Federacije BiH, a učesnicima u javnom konkursu koji nisu imenovani dostavljaju se pismene odbijenice sa poukom o pravnom lijeku.



JP „RTV BIHAĆ“ d.o.o. Bihać, Krupska bb, Bihać, Tel: 037/223-770, rtv.bi@bih.net.ba, www.radiobihac.com

Dokumentacija dostavljena uz prijavu na javni konkurs se ne vraća kandidatima.

Javni konkurs ostaje otvoren 15 dana od dana objavljivanja. Rok za podnošenje prijave na javni konkurs računa se od dana zadnje objave.

Prijave slati preporučenom poštom na adresu:

GRAD BIHAĆ

Komisija za provođenje izbora u regulirane organe Grada Bihaća,
Bosanska br.4,
77 000 Bihać.

Sa naznakom: Prijava na Javni konkurs za izbor i imenovanje direktora JP „RTV Bihać“ d.o.o. Bihać.

Neblagovremene i nepotpune prijave neće se razmatrati.

Oglas će se objaviti :

- u „Službenim novinama Federacije BiH“,
- u Dnevnom listu „Oslobođenje“,
- na web stranici JP "RTV Bihać" d.o.o. Bihać,
- na web stranici JU „Služba za zapošljavanje Unsko - sanskog kantona“ Bihać.

Broj: 126-01/25

Bihać, 21.03.2025. godine

JP „RTV Bihać“ d.o.o. Bihać

Nadzorni odbor

Predsjednica

Rejhana Hadžić

